## ԵՐԵՎԱՆԻ ՊԵՏԱԿԱՆ ՀԱՄԱԼՍԱՐԱՆԻ ԳԻՏԱԿԱՆ ԽՈՐՀՐԴԻ ՈՐՈՇՈՒՄ N1/4

տասներկուսը հոկտեմբերի, 2017 թվականի

ԵՐԵՎԱՆԻ ՊԵՏԱԿԱՆ ՀԱՄԱԼ	,ՍԱՐԱՆՈՒՄ ԲԱԿԱԼ	ՀԱՎՐԻ ԱՎԱՐՏԱԿԱՆ	, ԱՇԽԱՏԱՆՔԻ
ՊԱՏՐԱՍՏՄԱՆ ԵՎ	ԳՆԱՀԱՏՄԱՆ ԿԱՐԳ	Ը ՀԱՍՏԱՏԵԼՈՒ ՄԱ	ՄԻՆ

Ղեկավարվելով Երևանի պետական համալսարանի կանոնադրության 49-րդ կետի 4-րդ ենթակետով և ԵՊՀ գիտական խորհրդի կանոնակարգի 4-րդ կետի 3-րդ ենթակետով՝ Երևանի պետական համալսարանի գիտական խորհուրդը որոշում է.

- 1. Հաստատել Երևանի պետական համալսարանում բակալավրի ավարտական աշխատանքի պատրաստման և գնահատման կարգը։
- 2. Կարգն ուժի մեջ է մտնում հրապարակման պահից։

ԵՊՀ ԳԻՏԱԿԱՆ ԽՈՐՀՐԴԻ ՆԱԽԱԳԱՀ

Ա. *Հ*. ሀኮሆበՆՑԱՆ

## ԵՐԵՎԱՆԻ ՊԵՏԱԿԱՆ ՀԱՄԱԼՍԱՐԱՆ

Հաստատված է ԵՊՀ գիտական խորհրդի 2017 թ. հոկտեմբերի 12-ի թիվ 1 նիստում Գիտական խորհրդի նախագահ \_\_\_\_\_\_ Ա. Հ. Սիմոնյան

ԵՐԵՎԱՆԻ ՊԵՏԱԿԱՆ ՀԱՄԱԼՍԱՐԱՆՈՒՄ ԲԱԿԱԼԱՎՐԻ ԱՎԱՐՏԱԿԱՆ ԱՇԽԱՏԱՆՔԻ ՊԱՏՐԱՍՏՄԱՆ ԵՎ ԳՆԱՀԱՏՄԱՆ ԿԱՐԳ

# ՔԱԿԱԼԱՎՐԻ ԱՎԱՐՏԱԿԱՆ ԱՇԽԱՏԱՆՔԻՆ ՆԵՐԿԱՑԱՑՎՈՂ ՊԱՀԱՆՋՆԵՐ

### 

- 1.1. Բակալավրի ավարտական աշխատանքն ինքնուրույն, տեսական կամ կիրառական նշանակության աշխատանք է, որն արտացոլում է տվյալ մասնագիտության շրջանակներում ուսանողի ձեռք բերած գիտելիքները կիրառելու և մասնագիտական ոլորտին առնչվող խնդիրներ բարձրացնելու ու լուծումներ առաջադրելու հմտությունները։
- 1.2. Բակալավրի ավարտական աշխատանքի կատարումը և հրապարակային պաշտպանությունը բակալավրի՝ կրթական ծրագրի ավարտական պահանջներից են։
- 1.3. Ավարտական աշխատանքը բակալավրի կրթական ծրագրի անհատական և ամփոփիչ բաղադրիչն է, որի պատրաստումը և պաշտպանությունն առկա ուսուցման դեպքում իրականացվում են 8-րդ կիսամյակում, իսկ հեռակա ուսուցման դեպքում՝ 10-րդ կիսամյակում։ Բոլոր ուսանողները մինչև 7-րդ (հեռակա ուսուցման դեպքում՝ 9-րդ) կիսամյակի ավարտը պետք է ունենան բակալավրի ավարտական աշխատանքի հրամանագրված թեմաներ և ղեկավարներ։ Ավարտական աշխատանքի պատրաստման և պաշտպանության համար բակալավրի կրթական ծրագրում նախատեսվում է 20 կրեդիտ աշխատածավալ։

#### 2. ԲԱԿԱԼԱՎՐԻ ԱՎԱՐՏԱԿԱՆ ԱՇԽԱՏԱՆՔԻ ՕՐԻՆԱԿԵԼԻ ԿԱՌՈՒՑՎԱԾՔԸ

2.1. Բակալավրի ավարտական աշխատանքի օրինակելի կառուցվածքը ներկայացված է Աղյուսակ 1-ում։

<u>Աղյուսակ 1.</u> Բակալավրի ավարտական աշխատանքի օրինակելի կառուցվածքը և ներկայացվող պահանջները

Կառուցվածքը	Ներկայացվող պահանջները
Տիտղոսաթերթ	Տիտղոսաթերթը լրացվում է համաձայն Հավելված 1-ում ներկայացված ձևաչափի։
Ստորագրությունների էջ	Բակալավրի ավարտական աշխատանքի տիտղոսաթերթին հաջորդող էջում ստորագրում են ուսանողը, ղեկավարը և ամբիոնի վարիչը (տե՛ս Հավելված 2)։
Համառոտագիր	Տրվում են աշխատանքի հայերեն, ռուսերեն և անգ- լերեն անվանումները, իսկ համառոտագիրը ներ- կայացվում է այն լեզվով, որով շարադրված է աշ- խատանքը (0,5-1 էջ)։
Բովանդակություն	Ըստ հերթականության ներկայացվում են աշխատանքի բոլոր բաժինները, դրանց համապատասխան էջերը, ինչպես նաև հավելվածները (առկայության դեպքում), որոնք կցվում են աշխատանքին։
Ներածություն	Ներկայացվում են աշխատանքի արդիականու- թյունը, նպատակն ու խնդիրները, ուսումնասիրու- թյան օբյեկտը և առարկան, տեսական և/կամ կիրառական նշանակությունը։
Հիմնական մաս	Աշխատանքի հիմնական մասը բաղկացած է գլուխներից և ենթագլուխներից։ Այն ներառում է օգտագործված գրականության և ուսումնասիրվող հիմնախնդրի վերլուծությունը, կիրառված մեթոդների և կատարված հետազոտության նկարագրությունը, ուսումնասիրության արդյունքների շարադրումը, վերլուծությունը և ամփոփումը։
Եզրակացություններ	Ներկայացվում են եզրակացությունները, որոնցում ամփոփվում են աշխատանքի արդյունքները։
Օգտագործված գրականության ցանկ	Նշվում է միայն այն գրականությունը, որն օգտագործվել է աշխատանքը շարադրելիս, և որին համապատասխան հղումներ են արված։
	Առկայության դեպքում կցվում են աշխատանքին։

#### 3. ԲԱԿԱԼԱՎՐԻ ԱՎԱՐՏԱԿԱՆ ԱՇԽԱՏԱՆՔԻ ՁԵՎԱՎՈՐՄԱՆ ՊԱՀԱՆՋՆԵՐԸ

- 3.1. Բակալավրի ավարտական աշխատանքը պաշտպանության է ներկայացվում համակարգչային շարվածքով՝ տպագիր, կազմված և էլեկտրոնային տարբերակներով։ Թղթի չափսը՝ A4 (210 մմ x 297 մմ), լուսանցքները՝ ձախից 3.0 սմ, աջից՝ 1.5 սմ, վերևից՝ 2.0 սմ և ներքևից՝ 2.5 սմ։ Նյութը տպվում է թերթի միայն մեկ երեսին։ Տեքստը մուտքագրվում է «Յունիկոդ» (Unicode) կոդավորման համակարգի տառատեսակների կիրառմամբ։ Վերնագրերը և տեքստը շարվում են 12 թt տառաչափով, միջտողային հեռավորությունը՝ 1.5։ Գլուխների վերնագրերը գրվում են թավ (bold) և գլխատառերով։ Յուրաքանչյուր գլուխ սկսվում է նոր էջից։ Պարբերությունները հավասարեցվում են երկու կողմերից, սկսվում են 1 սմ խորքից։ Աշխատանքի բոլոր էջերը, ներառյալ հավելվածները, համարակալվում են ներքևում՝ կենտրոնում։ Համարակալումը սկսվում է բովանդակությունից, որը համարվում է 4-րդ էջ։
- 3.2. Աշխատանքում առկա աղյուսակները, նկարներն ու գծապատկերները, հավելվածները և այլն համարակալվում են, և դրանց տրվում են անվանումներ (անհրաժեշտության դեպքում տրվում են նաև ծանոթագրություններ)։ Նկարների, գծապատկերների, գծագրերի անվանումները, նշանակումների բացատրությունները
  գրվում են դրանց ներքևում, մեջտեղում՝ 10 pt տառաչափով։ Աղյուսակների անվանումները գրվում են դրանց վերևում, իսկ հավելվածներինը՝ նոր էջի վերին աջ
  անկյունում։
- 3.3. Աշխատանքի վերջում տրվում է օգտագործված գրականության ցանկը, որը ներկայացվում է բնագրի լեզվով։ Նախ նշվում են հեղինակ(ներ)ի ազգանուն(ներ)ը և անվան սկզբնատառ(եր)ը, այնուհետև նյութի՝ գրքի կամ հոդվածի ամբողջական անվանումը, ամսագրի լրիվ կամ ընդունված կրձատ անվանումը, հրատարակման վայրը, հրատարակչությունը, հրատարակման թվականը, հատորի և թողարկման համարները, հերթական համարը, էջերը կամ գրքի էջերի քանակը։ Համացանցում տեղադրված նյութերի դեպքում կիրառվում են նույն սկզբունք-

- ները՝ վերջում նշելով համապատասխան նյութի հղման հասցեն և ծանոթանալու ամսաթիվը (օրինակ, ... // URL: http://www.info..., 14.02.2017)։
- 3.4. Հղումները տեքստում տրվում են ուղղանկյուն փակագծերում՝ ըստ գրականության ցանկում ներկայացված կարգային համարի ([1], [2-5], [3, 7, 9-11], [3, էջ 15], [7, էջ 5-9]) կամ նշելով հեղինակի ազգանունը և հրատարակման տարեթիվը (Պողոսյան, 2015; Պետրոսյան և այլք, 2010), կամ տողատակում, ինչպես ներկայացվում է օրինակում։
- 3.5. Բակալավրի ավարտական աշխատանքի շարադրանքի նվազագույն և առավելագույն ծավալները սահմանում է ֆակուլտետի (կենտրոնի, ինստիտուտի) գիտական խորհուրդը՝ ելնելով տվյալ մասնագիտության առանձնահատկություններից։

### 4. <u>ԲԱԿԱԼԱՎՐԻ ԱՎԱՐՏԱԿԱՆ ԱՇԽԱՏԱՆՔԻ ՊԱՏՐԱՍՏՈՒՄԸ ԵՎ</u> ՊԱՇՏՊԱՆՈՒԹՅՈՒՆԸ

- 4.1. Բակալավրի ավարտական աշխատանքի պատրաստումը և պաշտպանությունն իրականացվում են ԵՊՀ առկա և հեռակա ուսուցման համակարգերի համար սահմանված ուսումնական գործընթացի կազմակերպման ժամանակացույցի համաձայն՝ համապատասխանաբար ավարտական 8-րդ և 10-րդ կիսամյակներում (տե՛ս Աղյուսակ 2)։
- 4.2. Բակալավրի ավարտական աշխատանքի պատրաստման աշխատանքները կատարվում են ղեկավարի խորհրդատվությամբ և վերահսկողությամբ։

Ղեկավարի պարտականություններն են.

- ա) բակալավրի ավարտական աշխատանքի առաջադրանքի կազմում,
- r) աշխատանքի կատարման աշխատանքային պլանի (ժամանակացույցի) կազմում և դրա իրականացման վերահսկողություն,

<sup>&</sup>lt;sup>1</sup> Ասլանյան Լ., Ալավերդյան Ռ., Լույսի բևեռացումը և նրա հետազոտումը։ Ուս. ձեռնարկ, Երևան, ԵՊՀ հրատ., 2014թ., էջ 53։

- գ) թեմայի վերաբերյալ գրականության և այլ աղբյուրների ընտրության և օգտագործման համար առաջարկություններ կամ խորհրդատվություն,
- դ) խորհրդատվություն ուսանողին՝ բակալավրի ավարտական աշխատանքի կատարմանն առնչվող հարցերում՝ համաձայն խորհրդատվությունների համար ուսումնական ստորաբաժանման կողմից սահմանված կիսամյակային ժամանակացույցի,
- ե) ծանուցում ուսանողին՝ սույն կարգի դրույթների, պահանջների և գնահատման չափանիշների ու չափորոշիչների վերաբերյալ,
- զ) խորհրդատվություն (օգնություն) ուսանողին՝ ելույթի պատրաստման և պաշտպանության համար անհրաժեշտ ցուցադրական նյութերի ընտրության հարցում,
- է) աշխատանքի վերաբերյալ ղեկավարի գրավոր կարծիքի կազմում։
- 4.3. Ղեկավարի կարծիքում արտացոլվում են.
  - ա) աշխատանքի արդիականությունը և կարևորությունը,
  - բ) ուսանողի՝ ինքնուրույն աշխատելու, տվյալներ մշակելու և եզրակացություններ անելու կարողությունը,
  - գ) գործնական առաջարկությունների առկայությունը,
  - դ) կատարված աշխատանքի դրական կողմերը և թերությունները,
  - ե) աշխատանքի ձևավորման համապատասխանությունը սույն կարգի պահանջներին,
  - q) երաշխավորություն աշխատանքի հրապարակային պաշտպանության համար։
- 4.4. Բակալավրի ավարտական աշխատանքի նախապաշտպանությունն իրականացվում է մասնագիտացնող ուսումնական ստորաբաժանումում (միջամբիոնային հանձնախմբում)՝ ստորաբաժանման և բակալավրի կրթական ծրագրի ղե-

- կավարների, ինչպես նաև ուսանողի ավարտական աշխատանքի ղեկավարի մասնակցությամբ։
- 4.5. Աշխատանքի նախապաշտպանության ընթացքում գրագողության<sup>2</sup> հայտնաբերման դեպքում կազմվում է համապատասխան արձանագրություն, որը ներկայացվում է ամփոփիչ ատեստավորման հանձնաժողովին։
- 4.6. Հրապարակային պաշտպանության ժամանակ գրագողության հայտնաբերման դեպքում աշխատանքը գնահատվում է «անբավարար»։
- 4.7. Բակալավրի ավարտական աշխատանքի հրապարակային պաշտպանությունն իրականացվում է համաձայն ՀՀ ԿԳ նախարարության կողմից հաստատված կարգի³։

<sup>&</sup>lt;sup>2</sup> «Ուրիշի ստեղծագործությունից մտքեր, հատվածներ քաղելը առանց դրանց ստեղծագործական վերամշակման և առանց ձեռքբերման սկզբնաղբյուրի նշման և որպես իրենը ներկայացնելը կամ ստեղծագործությունն ամբողջությամբ իր անունով ներկայացնելը համարվում է գրագողություն», ՀՀ օրենքը հեղինակային իրավունքի և հարակից իրավունքների մասին, գյուխ 5, հոդված 65, 4-րդ կետ (ընդունվել է 15.06.2006)։

 $<sup>^3</sup>$  «ՀՀ բարձրագույն ուսումնական հաստատությունների շրջանավարտների ամփոփիչ ատեստավորման անցկացման կարգ»՝ հաստատված ՀՀ ԿԳ նախարարի 2011 թ. հոկտեմբերի 31-ի N 1197-Ն հրամանով։

<u>Աղյուսակ 2.</u> Բակալավրի ավարտական աշխատանքի պատրաստման և պաշտպանության ժամանակացույց

Գործողություն	Վերջնաժամկետ
Բակալավրի ավարտական աշխատանքի թեմայի ընտրություն և հաստատում, ղեկավա- րի նշանակում և հրամանագրում	7-րդ (հեռակա՝ 9-րդ) կիսամյակի ավարտ
Աշխատանքի առաջադրանքի և վերջինիս կատարման աշխատանքային պլանի (ժամա- նակացույցի) կազմում, գրականության վեր- լուծություն/մշակում	Ավարտական կիսամյակ` փետրվար
Աշխատանքի կատարում և արդյունքների վերլուծություն, աշխատանքի ներկայացում և քննարկում ուսումնական ստորաբաժանու- մում, որոնց հիման վրա իրականացվում է աշ- խատանքի կատարման առաջընթացի միջանկ- յալ ստուգում	Ավարտական կիսամյակ՝ մարտի վերջ
Աշխատանքի արդյունքների ամփոփում, աշխատանքի հանձնում՝ ծրագիրն իրականա- ցնող ուսումնական ստորաբաժանում	Ավարտական կիսամյակ՝ պաշտպանությունից առնվազն 3 շաբաթ առաջ
Ղեկավարի կարծիքի ներկայացում, աշխա- տանքի նախապաշտպանություն։ Էական դի- տողությունների առկայության դեպքում՝ աշխատանքի լրամշակում և ներկայացում ուսումնական ստորաբաժանում մեկ շաբաթվա ընթացքում	Ավարտական կիսամյակ, պաշտպանությունից առնվազն 2 շաբաթ առաջ
Ուսումնական ստորաբաժանման կողմից աշխատանքի գրախոսության կազմակերպում (տե՛ս Հավելված 3)	Ավարտական կիսամյակ, գրախոսականի ներկայացում ուսումնական ստորաբաժանում պաշտպանությունից առնվազն 5 օր առաջ
Բակալավրի ավարտական աշխատանքի հրապարակային պաշտպանություն ամփոփիչ ատեստավորման հանձնաժողովի նիստում։	8-րդ (հեռակա ուսուցման դեպքում՝ 10-րդ) կիսամյակի ավարտ⁴

<sup>&</sup>lt;sup>4</sup> Բակալավրի ավարտական աշխատանքի հրապարակային պաշտպանության ժամկետները սահմանվում են ԵՊՀ ուսումնական գործընթացի կազմակերպման ժամանակացույցով։

### 5. <u>ԲԱԿԱԼԱՎՐԻ ԱՎԱՐՏԱԿԱՆ ԱՇԽԱՏԱՆՔԻ ԳՆԱՀԱՏՈՒՄԸ</u>

5.1. Բակալավրի ավարտական աշխատանքի գնահատումն իրականացվում է 20 միավորանոց սանդղակով՝ համաձայն սահմանված չափանիշների և դրանց համապատասխան չափորոշիչների (տե՛ս Աղյուսակ 3)։

<u>Աղյուսակ 3.</u> Բակալավրի ավարտական աշխատանքի գնահատման չափանիշները, չափորոշիչները և հատկացվող միավորները

ւսանողի ազգանուն, անուն, հայրանուն
շխատանքի թեման
սնձնաժողովի անդամ՝ գիտ. աստ., կոչում, ազգանուն, անուն

Գնահատման չափանիշ/ առավելագույն միավոր	Չափորոշիչ	Հատկացվող միավոր	Ընդհանուր միավոր
1. Աշխատանքի արդիականու-	1.1. Հիմնավորված է աշխատանքի արդիականությունը, սահմանված են	□ <b>- 2</b>	
թյան հիմնավորումը և գրակա-	աշխատանքի նպատակը և խնդիրները։ Կատարված է թեմային	□ <b>- 1</b>	
նության վերլուծությունը	առնչվող գրականության վերլուծություն	□ - 0	
Առավելագույնը ՝ 2 միավոր			
	2.1. Աշխատանքը կատարված է ինքնուրույն՝ դրված խնդիրներին	□ <b>- 2</b>	
	համապատասխան	□ - 1	
2. Աշխատանքի կատարումը և		□ <b>- 0</b>	
արդյունքները	2.2. Ստացված արդյունքները հիմնավորված են և առաջադրում են դրված	□ <b>- 2</b>	
	խնդիրների տեսական կամ կիրառական լուծումներ	□ - 1	
Առավելագույնը՝ 6 միավոր		□ <b>- 0</b>	
	2.3.Կատարված է արդյունքների վերլուծություն, և արված են	□ <b>- 2</b>	
	համապատասխան եզրակացություններ	□ <b>- 1</b>	
		□ - 0	

3. Աշխատանքի շարադրումը և ձևավորումը	3.1. Աշխատանքը շարադրված է հստակ, գրագետ և տրամաբանված։ Աշխատանքի գլուխների և ենթագլուխների բաժանումը և անվանումները համապատասխանում են բովանդակությանը 3.2. Աշխատանքը ձևավորված է ըստ տրված տեխնիկական պահանջների։	□ - 2 □ - 1 □ - 0	
Առավելագույնը՝ 4 միավոր	Առկա են աշխատանքի արդյունքները հիմնավորող տվյալները (օրի- նակ՝ աղյուսակներ, նկարներ, սխեմաներ, մեջբերումներ և այլն)	□ - 1 □ - 0	
	4.1. Զեկույցում հիմնավորվում են աշխատանքի արդիականությունը, նպա- տակը և խնդիրները, ներկայացվում են աշխատանքի բովանդակու- թյունը, արդյունքները և եզրակացությունները	□ - 2 □ - 1 □ - 0	
4. Աշխատանքի հրապարակա- յին պաշտպանությունը	4.2. Զեկույցը հստակ է և հետևողական, զեկուցողը կարողանում է փոխկա- պակցված ներկայացնել և բացատրել կատարված աշխատանքը, հիմնավորել արդյունքները	□ - 2 □ - 1 □ - 0	
Առավելագույնը՝ 8 միավոր	4.3. Հարցերին և դիտողություններին զեկուցողը տալիս է հիմնավորված և սպառիչ պատասխաններ	□ - 2 □ - 1 □ - 0	
	4.4. Ցուցադրական նյութն արտացոլում և պարզաբանում է աշխատանքի հիմնական բովանդակությունը	□ - 2 □ - 1 □ - 0	
Արդյունարար առավելագույն միավորը՝ 20			

## 

ԵՐԵՎԱՆԻ ՊԵՏԱԿԱՆ ՀԱՄԱԼՍԱՐԱՆ [16 pt, Bold]
ՖԱԿՈՒԼՏԵՏ [14 pt, Bold]
(ՈՒՍՈՒՄՆԱԿԱՆ ՍՏՈՐԱԲԱԺԱՆՈՒՄ) [14 pt, Bold]
ԿՐԹԱԿԱՆ ԾՐԱԳԻՐ [14 pt, Bold]
ԱԶԳԱՆՈՒՆ ԱՆՈՒՆ ՀԱՅՐԱՆՈՒՆ [18 pt, Bold]
UՎUՐSUԿUՆ ԱՇԽUSUՆՔ [30 pt, Bold]
<b>ԹԵՄԱՅԻ ԱՆՎԱՆՈՒՄ</b> [18 pt, Bold]
«» մասնագիտությամբ
բակալավրի որակավորման
<b>աստիձանի հայցման համար</b> [14, Bold, Italic]

## 

<i>Ωιυшնող</i> ՝		_ [13 pt, Bold, Italic]
. —	ստորագրություն	
	ազգանուն, անուն	
Ղեկավար՝		[13 pt, Bold, Italic]
	ստորագրություն	
	գիտ. աստիճան, կոչում, ազգս	<u></u> <u> </u>
«Թույլատրել պաշ	עולוווב וחולווווווווווווווווווווווווווווו	
« <i>1</i> - ույլասդուլ պաշ	ապատությաս»	
Ամբիոնի վարիչ`	ստորագրություն	[13 pt, Bold, Italic]
	иотрафтерне	
	գիտ. աստիձան, կոչում, ազգս	<u> </u>
« » 20	) р.	

### <del></del>ዋፈርወኮቶ

ԵՊՀ ֆակուլտետի բակալավրիատի ուսանող
(ազգանուն, անուն, հայրանուն)
(թեմայի անվանումը)
ավարտական աշխատանքի վերաբերյալ⁵
1. Աշխատանքի արդիականության հիմնավորումը և գրականության վերլուծություն
2. Աշխատանքի կատարումը և արդյունքները
3. Աշխատանքի շարադրումը և ձևավորումը

<sup>&</sup>lt;sup>5</sup> Գրախոսը նախապես պետք է ծանոթ լինի սույն կարգում սահմանված բակալավրի ավարտական աշխատանքի գնահատման չափանիշներին։

4.	Դիտողություններ
5.	<b>Եզրակացություն</b> (աշխատանքը բավարարում է/չի բավարարում բակալավրի ավարտական աշխատանքին ներկայացվող պահանջները, հեղինակն արժանի է/արժանի չէ տվյալ մասնագիտությամբ բակալավրի որակավորման աստիձանի շնորհմանը)
Գ]	րախոս՝
	(ազգանուն, անուն, հայրանուն)
	(գիտական աստիձան և կոչում)
	(աշխատանքի վայրը, պաշտոնը)
Uı	տորագրություն
<b>«</b>	»20 <i>р</i> .